

Фатвода қўлланиладиган атамалар

05:00 / 19.01.2017 3125

Ҳанафий мазҳабининг фикҳий қарашлари акс эттирилган ривоятлар ва масалаларнинг баъзисига фатво аломатлари кўрсатилган бўлади. Уларни умумий тарзда “маълама” ёки “мўълама” деб номланган. Тадқиқотчилар уларни аниқлаб, йигирма бештача шундай истилоҳларни топганлар. Улар қуйидагилар:

1	ىوتفلا هيلع و	Ва алайҳи-л-фатво!	Фатво унгадир!
2	ىتفي هب و	Ва биҳи йуфто!	Унга фатво берилган!
3	دمتعي هب و	Ва биҳи йўътамад!	Унга суянилади!
4	ذخأن هب و	Ва биҳи наъхузу!	Уни оламиз!
5	ححصلا وه و	Ва ҳува-с-саҳиху!	У саҳихдир!
6	حصألا وه و	Ва ҳува-л-асаҳху!	У саҳихроқ!
7	راتخملأ وه و	Ва ҳува-л-мухтор!	У ихтиёр қилинган!
8	رهاظلا وه و	Ва ҳува-з-зоҳир!	У зоҳирдир!
9	دامتعال هيلع و	Ва алайҳи-л-эътимод!	Эътимод унгадир!
10	مويلا لمع هيلع و	Ва алайҳи амалу-л-йавм!	Бугуннинг амали унгадир!

11	ةمألا ل جمع هيلع و	Ва алайхи амалу-л-уммати!	Уммат амали унгадир!
12	ةمئألا ل جمع هيلع و	Ва алайхи амалу-л-аимма!	Имомлар амали унгадир!
13	انخئاشم يوتف وه و	Ва ҳува фатво машойихуно!	У машойихларимиз фатвосидир!
14	ان نامزى ف هيلع و	Ва алайхи фий замонино!	Замонамизда (амал) унгадир!
15	ره ظألا وه و	Ва ҳува-л-азҳару!	У зоҳирроқ!
16	هه شألا وه و	Ва ҳува-л-ашбаху!	У ўхшашроқ!
17	طوحألا وه و	Ва ҳува-л-аҳвату!	У эҳтиётлироқ!
18	هه وألا وه و	Ва ҳува-л-авжаҳу!	У йўналганроқ!
19	ق فرألا وه و	Ва ҳува-л-арфақ!	У фойдалироқ!
20	طايتح إالا وه و	Ва ҳува-л-эътимод!	У эҳтиёт!
21	ىل وألا وه و	Ва ҳува-л-авло!	У авлодир!
22	رسىألا وه و	Ва ҳува-л-айсар!	У осонроқ!
23	فرعلا ىرجه هه و	Ва биҳи жаро-л-урфу!	Урф унга жорий бўлган!
24	فراعتمالا وه و	Ва ҳува-л-мутаориф!	Уни умум эътироф қилган!

25	انؤاملع ذخأ هب و	Ва биҳи ахзу уламоино!	Уни уламоларимиз олган!
----	------------------	------------------------	-------------------------

Ушбу фатво аломатлари орасида зикр этилган “ашбах” (ўхшашроқ) атамаси “ушбу ривоят далилга энг ўхшаши, ақлга энг муносиби”, “авжаҳ” (йўналганроқ) атамаси эса “далилнинг далолати ушбу ривоятга бошқаларидан кўра энг кўп йўналган” деган маъноларда қўлланилади. “Алайҳи амалу-л-йавм” атамасидаги “бугуннинг амали”дан мурод мутлақ замон бўлиб, қайси даврда айтилишидан қатъи назар уни муфтий қабул қилиши керак бўлади. “Эҳтиёт”дан мақсад эса икки далилнинг кучлисига амал қилиш демакдир.

Хайриддин ар-Рамлий (р.ҳ.) ўз фатво китобида маъламалардаги баъзи лафзлар баъзисидан таъкидлироқ, бошқасидан кучлироқ эканини баён қилган. “Фатво” лафзи ҳар қандай сийғада келса ҳам “саҳиҳ” ва “асаҳҳ” ёки “ашбах”, “аҳват”, “азҳар” лафзларидан, “ва биҳи йуфто!” атамаси “ал-Фатво алайҳи!”дан, “асаҳҳ” эса “саҳиҳ”дан, “аҳват” эса “эҳтиёт”дан таъкидлироқ ҳисобланади.

Сўфи Аллоҳёр (р.ҳ.) айтишича, “ал-Азҳар” билан “ал-Асаҳҳ”нинг орасидаги фарқ шуки, “ал-Азҳар” маъламаси қўйилган ривоят машҳур бўлади, “ал-Асаҳҳ”даги ривоятнинг далили эса кучли ҳисобланади. “ас-Саҳиҳ” маъламаси қўйилса, демак, ундан бошқа ривоятлар тўғри эмаслигини билдиради.

“Ала” олд қўшимчаси (предлог) билан келган маълама “бо” олд қўшимчасидан муқаддам қилинади. Шунга кўра “алайҳи-л-фатво!” маъламаси “биҳи йўфто!”дан кучли деб топилади. Мутлақ келтирилган маълама “фалончини” каби қайд қилинган (муқайядлиси)дан муқаддам туради. Демак, “алайҳи-л-амал!” маъламаси “фалончининг амали шунгадир!” сифатли масаладан олдинга қўйилади.

Яна шуни таъкидлаш жоизки, “би-л-ижмоъ”, “би-л-иттифоқ”, “ҳува-л-қиёс” каби сифатлар гарчи фатво маъламаси бўлмаса-да, лекин, икки масаланинг бировига таржиҳ қилишда аҳамиятли ҳисобланади.

*Бу Ҳамидуллоҳ Беруний (Аминов Ҳамидулла) таълиф қилган "Ҳанафийлик
фиқҳининг асосий тамойил ва тушунчалари" номли асаридан олинган
парча.*